

故宮博物院
珍藏

浙江
府州縣
志

共九冊
第八冊



故宮博物院編

海南出版社

故宮博物院編

故宮珍本叢刊第 099 冊浙江府州縣志第 8 冊(共 9 冊)

松陽縣志 武康縣志

海南出版社

故宮珍本叢刊
PDG

圖書在版編目(CIP)數據

故宮珍本叢刊.第99~100冊,地理.都會郡縣.浙江,[乾隆]松陽縣志、[乾隆]武康縣志、[乾隆]安吉州志/故宮博物院編.-影印本.-海口:海南出版社,2001.4

ISBN 7-80645-972-3

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06529 號

故宮珍本叢刊第 099 冊

浙江府州縣志第 8 冊(共 9 冊)

[乾隆]松陽縣志 [乾隆]武康縣志

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:26 印數:1-400 冊

ISBN 7-80645-972-3/Z·53

定價:1600 元(浙江府州縣志 16 種共 9 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

松陽縣志序

古者外史掌四方邦國之志則志亦史類也顧史以昭千秋之哀鉞而志則樹一邑之風聲凡例較別司今者職兼風化而義取表彰表舊典

而續新編以期流芳久遠是誠良有司之亟宜先務矣處郡固浙東奧區纂脩為急而松邑舊屬白龍古地密邇郡城之西偏一溪沿溯教教猶爭先樂覲按其地崇山

為道商賈不通賴土膏之繡錯較饒九縣生其間者食舊德而服先疇秀鍾蜿蜒鬱積之奇涼不僅竹箭松杉足以當之後采居上定有偉人判際我

國家觀文成化之時郡人士涵

育薰陶茲日進各憲蒞任維新即取郡縣志乘以資納賈陳詩之採訪松雖小而徵文攷獻均待摩編余客冬因公戾止適值縣令曹公

簡命

稟呈兩次纂補邑乘請序言以付剞劂余嘉公之知所先務竊幸其相與有成也憶自丙戌夏蒞膺

來守括蒼甫下車即以率屬奉公為策勵數月中稔知

公辦事精勤志圖向上曾經詳請幫辦青邑城工越明年公復請捐建大堂繼此循聲善政如平治道梁及捐脩牌坊營廟之次第舉行者咸述昭然向已斑斑可攷邇來

時豐政簡簿書之暇猶加
意培風余披閱之下見夫山川
風景節義文章向之天造地
設久經論定者今仍舊貫其
他時至事起因地制宜一切官
秩賦役之乘除人文學校之

序

內

爵墓與夫禮儀習尚之踵事增
華以及橋渠寺觀戶口都庄
或皆是而今非暨向無而僅有
者悉皆若徑在網有條不紊
至百餘年來其間孝子仁人
義夫節婦猶為風化攸關

靡不搜羅固闕以之發潛德
而燭幽光使後來者知所趨
向即或科甲流風於今少歇
而深山邃谷諒不乏窮經績
學摘葩拔藻之儒秋實春
華亦都收採以備

序

五

朝論秀書升之選列其目錄分
門者十有二類謹嚴則倣班
氏之藝文記序畧規史遷之
列傳公之知所先務節皆經
舉而目張直與省郡諸去備同
攷核異日者

時

而為之序

聖天子策命輜軒問俗浙東展此
編也瞭如指掌知必有繪圖入
告翠璫可登風俗之書者即以
斯志操左券焉可也余固樂得

序

六

乾隆叁拾肆年太簇月上元日
特授中憲大夫知浙江處州府事加
三級紀錄十次前刑部員外郎
中州倉聖潢題

重修松陽縣志序

邑之有志蓋仿周官土訓道訓遺意守土者各以其所觀記筆之於書以志一方之籍以脩輶軒之採昔朱文公蒞南康甫至輒問郡志君子謂其知所當務志不綦重矣哉松邑在括西上游羣峰聳翠盤鬱嵯峨澗水縈

序

紆迴旋環繞民多質樸俗尚節儉邑雖小悠然有淳厚之風然而平陂險塞之區變通損益之故彰瘁旌別之義不一有以志之司民牧者何以觀風悉隱而措之裕如乎余自下車以來披閱舊志率多湧漉殘缺梨棗所登已半飫蟲鼠之腹矣蓋舊

志自順治甲午歲修訂後迄今百有餘年未經修輯因思有志而聽其漫漶殘缺則與無志等

矧

國家久道化成休養生息多歷年

所今

天子軫念民瘼省方問俗東西兩浙

疊被

序

恩施

松雖蕞爾僻在浙東然而山川之景色民物之繁庶視昔迥不相侔矣烏可斤斤焉執舊冊以求之故余幸政有餘閒爰以修志事商之學博胡公及邑中紳士僉踴躍稱善乃延聘錢塘孝廉潘公開局於縣署東偏廣徵見聞蒐討裒輯以舊志為本而

序

參諸府志及隣邑志統之以綱繫之以目首紀輿地次詳賦後稽學校之規制考建置之廢興至若採風俗之宜昭裡祀之典列官秩以紀其賢能序選舉以標其雋彥人物有志則獎勸脩矣兵制有志則衛禦嚴矣而且博採藝文蒐羅雜事共為書十

三

有二卷余以公餘之暇往復參訂疑者挾之舛者正之凡向之漫漶殘缺者皆得而增新焉所謂志一方之籍以脩輶軒之採區區之心於是乎在若云知所當務以效法前賢余則奚敢乾隆三十三年歲次戊子拾壹月望日

特授處州府松陽縣知縣加三級紀

錄三次記大功六次山右榆關
曹立身書

序

四

松陽縣志序

余籍隸錢塘習聞括蒼諸山水之勝
神遊其間者久矣然以地僻道迂未
得一至而遊覽焉戊子歲松陽邑侯
曹公郵緘來招遂欣然東裝竊幸夙
願之可酬也甫至境見層巒疊嶂邃
谷懸崖竹木森秀溪流奔瀑景趣幽
曠目不暇接既至邑又見夫俗多淳

序

樸不事華侈用以知民風之近古而
賢邑侯之設施已可畧見矣及公接
見握手之下歡若平生又時以其所
作詩文來教春容大雅卓犖不羣讀
其文復覘其行洵知公為榆關名士
才猷敏練有古循吏風政不第以文
辭之末馳聘乎翰墨間而已也既而
公以重脩邑志事見屬余惟志史類

也昔扶風易書為志觀其藝文溝洫

食貨諸篇典則詳贍莫可彷彿而後
人猶以畧於事實詳於浮言譏之作
志之難也如此是知人作一代之史
必具有一代之識然後是非明而褒
貶定作一邑之志必萃一邑之觀然
後疑信判而考訂詳余既慙陋無文
而松邑舊志又復漫漶已久乃欲於

序

簡編蠹蝕之餘求品隲研核之當不
綦難哉廼再三辭不獲已爰於志局
中焚膏繼晷早夜孜孜惟恐忘已事
之拙而又不敢苟且云爾也於是本
諸舊志証諸府志且參之鄰邑志綜
覈紛紜博徵聞見訂其舛誤增其遺
軼事取其覈實者辭汰其繁複者每
一稿就與公往復參互不厭精詳凡

四閱月三易稿而書成展卷之下其山川勝境向之神遊目想者茲得脩覽無遺焉而公殷々之意且得於簿書期會間從容閒暇以潤色太平之盛事其才猷敏練不益見於此哉至公之惠政循聲卓々表見者口碑具在茲不復贅

乾隆叁拾叁年歲次戊子拾壹月中

浣錢塘潘茂才頓首拜序

松陽縣志舊序

有一書而爲千秋之袞鉞數言而關百代之興衰者郡邑之志乘是也自春秋之義隱南董之筆絕尊月旦者成一家言務標榜者爲一時尙烏足以定信芳而甄猶穢哉況人心與時升降世俗與道變遷又不可以意臧否上下古今也余蒞栢三載幸無過舉獲與十邑諸賢共事茲土靖烽壑而崇文岫一時治化文風咸率然不變爰取十邑之書而致核之可以興可以觀一時口碑千秋人鏡藉以鼓勵人心興起教化者端有是賴而烏可以旦夕緩因進諸令而亟商之松首慨然倡行之禮賢選能鳩工庀材自明松陽縣志

舊序

一

松陽縣志舊序

政有似急而實不得不緩者今日之簿書與賦稅也政有似緩而實不容不急者今日之學校與聲名文教也徧天下皆然浙爲甚全浙皆然松尤甚卽如邑乘一書百制俱備僉于國史今且自明之隆慶刊後八十餘載未有修復板帙殘闕已成故紙今

天子購書首先是問各臺蒞任必索以借憲綱俱進每進時持檄呼嗶寂無以應民間之素稱藏書者兵餘亦不能復得余慨然欲奮其事又承郡侯大人之命因投袂而進賢集事凡八閱月始竣工未備者登之題

松陽縣志

舊序

二

事者簿之未顯者暴而與衆瞻炙之玷闕者瑣而瑩澤之山川雲物人倫治道以及蟲魚草木靡不煥焉政觀翠爲畢具于是舉也母負于諸大人之任使與松之父老矣緩所急而急所緩其有至不得已者存乎中政有先後若以余爲急者後而緩是圖心滋戚矣

順治甲午知松陽縣事佟慶年撰

順治甲午知處州府事陽城王崇銘撰

松陽縣志纂修姓氏

督修

處州府知府加三級紀錄十次倉聖瀆

纂修

候選知縣乙酉科舉人錢塘潘茂才

主修

松陽縣知縣加三級紀錄五次曹立身

分修

松陽縣儒學教諭加三級胡雲昂

松陽縣儒學訓導加三級朱篆

松陽縣志

姓氏

原任台州府天台縣儒學訓導周光賢

本縣貢生 孟廷璋

本縣貢生 吳國致

本縣學廩生 丁嗣任

較修

本縣貢生 劉啟璋

本縣貢生 徐蕃茂

本縣貢生 蕭懋爵

本縣監生 葉仰舜

本縣監生 賴璧基

本縣監生 潘景滋

本縣監生 潘培

本縣學生員 徐進

本縣學生員 周得

本縣學生員 詹標

本縣學生員 葉芝漢

本縣學生員 潘洪

本縣職員 徐之熹

督梓

松陽縣典史紀錄一次郭尙質

松陽縣志

姓氏

凡例

一志有綱有目名類務貴得宜舊志爲卷十爲目五十有奇今另增學校風俗二卷共計爲綱十二爲目七十有七以次列序以類相從稽考便于披閱

一輿地志分野山川今昔無殊豈容立異惟舊志如分野沿革疆域形勝俱係總叙今爲之條分縷晰以次編列庶眉目清而閱者亦瞭然矣

一風役戶口錢穀爲國計攸關悉照全書所載依類編纂官斯土者其于則壤成賦之規亦得一覽無遺乎

一學校爲立教之本風俗爲治理所關誠切務也舊志列學校于建置附風俗于輿地今一照府志另爲二卷庶名目不淆而義理亦稱




一祀祀有關典禮情志以寺觀塚墓悉附其後似覺未愜茲於祀祀卷中祇列各廟壇祀事其寺觀塚墓盡附建置之後而秩祀于以不紊云



一職官之賢能者廿棠遺愛去思不忘其有專祠者無論矣若輿情素樸口碑尙存皆得志其官蹟不敢湮沒餘則直書其姓氏爵里以脩稽考

一志以傳信人物一卷尤須公慎方無遺議茲編所載

松陽縣志

凡例





樓巖寺圖

松陽縣志

圖

九



松陽縣志

圖

十




美人香繞羅浮夢處
士吟成跡影詩莫道
空山多寂々春風先
透最高枝
榆關曹立身

塔溪綠漲圖

松陽縣志

圖


十一



松陽縣志

圖

三




一篇春水碧於油
雨洗遙山黛欲浮
小艇移來芳艸岸
蘭橈微動不驚鷗
榆關曹立身

松陽縣志

圖

三

郵亭遠眺圖



松陽縣志

圖

十四





春風足馬到郵亭花
靨含嬌柳眼青極目
郊原無限景鶯啼又
過小漁汀
曹立身

柳池魚躍圖

松陽縣志

圖

圭



松陽縣志

圖

去


幾條弱柳嫩於絲
金縷依上映玉池
悟到天機活潑要任他
魚樂我安知
曹立身

雲巖石屋圖

松陽縣志

圖


老



松陽縣志

圖

大



懸崖恰似白雲堆石
屋帷宜薜荔栽坐久
從無塵俗韻松花時
點壁間苔

曹立身

松陽縣志

圖

左



百仞雲峯圖

松陽縣志

圖

千



峯高百仞接蒼雲觸
石還疑湧夏雲樹影
參差空際現嵐煙數
點散氤氲

曹立身

凌霄嵐翠圖

松陽縣志

圖

主



松陽縣志

圖

主



層臺高峙碧芙蓉環
繞雲山積翠濃試問
米顛題石處何如袖
裏第三峯

曹立身

坐松夜月圖

松陽縣志

圖

主

